



乾隆乙卯

夢樓詩集

食舊堂藏板

武林舊府前北首
聚瀛堂書坊發兌

余年未弱冠卽習爲詩然未敢以示人甲寅春至京師時年二十五歲矣與遼東朱子穎桐城姚姬傳論詩心甚愜

因各出其所作以相質子穎詩豪宕感激有高遠夫李太白之風姬傳深於古文以詩爲餘技然頗能兼杜少陵黃

山谷之長人者與余異趨而相賞特甚遂相與訂交此

外仍不敢以示人也通籍後官翰林以詩爲職業人或以

爲能然多進御及應試之篇至於抒寫懷抱贈答友生

古人所謂緣情之作則依然不敢驟示人也余自臨安解

官歸子穎官兩淮運使延姬傳主梅花書院於是三人者

復相聚於江淮之間子穎欲刻余詩姬傳欣然爲之序余

自取視之頗不敢信故板已鉅而復毀是時余年將五十

夢樓詩集

自序

一

矣厥後余訪友於長沙舟行湘水中日夕無事因取舊所作詩刪定之同人及門弟子皆慫余鉅板余不獲已從其請今始竣工是時余年已六十有六矣余嘗謂人之所得於天者其已定者也然必得古人之書以培養之又必得名山大川及世間可喜可怖可愛可惡之事以淬厲之又必得良師友相與討論而辨難之而後所得於天者日出而不窮及其發之旣盡與始之所得者初無加也然人之得之而不能盡其所發者多矣余之所得於天者有限今年將七十始自覺所發之不可盡焉顧一息尙存正未知所發者之能盡否也以今日之所成就證之少時之所嚮往頗覺未盡然少時之所不能言者今亦或能言之然則余

之所造其將盡於是乎抑猶有待乎今且以余之所就者
質之當時同好之士當必有從而勗余之未盡者矣乾隆
六十年歲在乙卯夏五月丹徒王文治自序

錢原陳雲伯父述題王尊慶詩集用集中碧巖真人韵

梅花清瘦牡丹肥頰略春風兩不違苦我世緣三寸管羨君仙

骨五銖衣軻川高詠之君是不宜酣眠惜我非出雲回國空

合便辭官依舊未能歸上海袁冲之寓君与簡參及余象為一簡

玉池清水上生肥濼羅黃庭願不違疑蕊采芝魚桑之月中宵德

鉢更傳衣老僧物諦奉之無密子先陰或否非陳去非詩九子

先傳訪老裡君祀碧巖我雪隱於臨何日送竹歸

右見顛道堂戒後詩在卷一先泚壬寅七月心盦录



夢樓詩集

自序

丹徒王禹卿先生少則以詩稱於丹徒長入京師則稱於京師負氣好奇欲盡取天下異境以成其文乾隆二十一年翰林侍讀全魁使琉球邀先生同渡海卽欣然往故人相聚涕泣畱先生不聽入海覆其舟幸得救不死乃益自喜曰此天所以成吾詩也爲之益多且奇今集中名海天遊草者是也鼐初不解詩嘗漫詠之以自娛而已遇先生於京師顧稱許以爲善後遂與交密居閒蓋無日不相求也一日值天寒晦與先生及遼東朱子穎登城西黑窰厰據地飲酒相對悲歌至暮見者皆怪之其後先生自海外歸以第三人登第進至侍讀出爲臨安府知府赴任過揚州時鼐在揚州賦詩別去鼐旋仕京師而子穎亦入蜀皆

夢樓詩集

姚序

一

不得見時有人自西南來者傳兩人滇蜀詩雄傑瑰異如不可測蓋稱其山川云先生在臨安三年竟以吏議鐫級先生遂返丹徒來往於吳越多徜徉之辭久之鼐以病還江南而子穎爲兩淮運使興建書院邀余主之於是與先生別十四年矣而復於揚州相見其聚散若此豈非天耶先生好浮屠道近所得目進嘗同鼐宿運使院鼐又渡江宿其家食舊堂內共語窮日夜教以屏欲澄心反求本性其言絕善鼐生平未嘗聞諸人也然先生豪縱之氣亦漸衰減不如其少壯然則昔者周歷山水偉麗奇變之篇先生自是將不復作乎鼐旣盡讀先生之詩歎爲古今所不易有子穎俾人抄之爲十幾卷曰食舊堂集將雕板傳諸

人而龜爲之序乾隆四十二年五月十八日桐城姚鼐撰

夢樓詩集

姚序

二

袁簡齋前輩書

夢樓先生閣下枚於十八日感冒風寒寒熱大作不眠不食者三日矣忽佩香女弟子至得接手書讀之如清風徐來沉痾漸釋靜養七日竟得霍然大奇大奇病中謝客轉得細繹公詩方知功夫之深純精神之綿密細筋入骨高唱凌雲能兼此二者當代能有幾人哉然如先生此集能贊此二語者當代又有幾人哉枚六十餘年甘苦深嘗故有此肺腑語非世上麤才豪舉之士所能領略者也尙恨暮景頽光不能省識公詩再勉而進之耳且服且慚奈何奈何因佩香回鎮之便修札致謝枚力疾再拜

陳東浦同年書

夢樓詩集

書

一

夢樓居士同年閣下前者道履暫臨白下復得暢領緒言袁老素不談禪亦爲感動錢君頗兼慕道特與提撕弟以鈍根叅錯其間或偶證本心或創聞妙理皆樂不可言先生去而弟與俗爲搆來教云盛德在躬則氣類感召其先生自謂矣今受大集而誦之恍然爲視穆然而望古人非近時之詩也譬如禪其有實智者耶非狡獪神通吾又安得而量之閨媛詩弟未嘗多見若聽秋軒者乃有師承故其詞妥帖而氣清蒼殆非女子也課女圖原唱果如大評不著一字盡得風流似諸公作未必多有以加之弟之固陋更何從下筆然當勉應台教耳謹此申復不宣年愚弟

陳奉茲頓首上

曾賓谷都轉書

夢樓先生前輩閣下燠少喜吟詠苦乏師承又以奔走簿書未能肆力於學乃近年得親大雅屢有唱酬謬叨宏獎以爲有造燠駭汗僵走蓋不待言然嘗以所得於中者進質之先生與先生頗有合也記前日高軒過敝齋論詩燠謂詩家體格詞意最要大方而以清氣行之古之名公無不如此此不能學然後逃而入於險僻務於小巧以悅庸流之耳目遂以此得名其有從事大方家者或反厭而輕之其實千秋論定如涇渭立判也微獨後世卽當時得名者之心安知不有小喜小慙大喜大慙者乎先生聞之以爲實獲其心因指柱間聯句曰向高處立揀平處坐尋寬

夢樓詩集

書

二

處走此三者持身之要道卽詩家之正宗又曰我嘗謂袁簡齋先生詩是奇才吳蘭雪詩是豔才足下之詩則清才也燠聆斯言惶愧無地夫袁吳二公之爲奇才豔才誠不謬矣若清才殆先生自道也前者承賜大集燠受而讀之竊見先生之詩真得乾坤之清氣偶賦一物咏一事無不出以大方庶幾乎可醫險僻小巧之病如燠之荒陋寧能有當先生不以爲門外漢而棄之幸矣乙卯長至後二日燠再拜

姚姬傳比部書

鷲頓首今歲兩次奉書欲求大集不知去冬已承見賜昨日下午乃併手書接到急展讀之覺其情深意厚使人魂銷氣盡往復不能自己雖鼯接待最久讀時用心較他人不同然此要卽是先生獨得古人作詩本旨超出凡衆處亦卽是先生能變情種爲大悲以纏綿爲般若處也東浦方伯見語云夢樓勸人學佛意思懇摯如其身事最不可及此理吾更通之以論詩竊以爲獨得妙解是耶非耶其間應酬之作未免存之過多然亦是鼯一人之見鼯不能作大家卽更不許他人以大家自待不欲其金玉與砂石俱存斥鷃之論不當以較鵬鯤耳笑笑

夢樓詩集

書

三

又一書

前日一書係賂氏家人取去不知達否連日與東浦坳堂評論大集以爲遠過時流必傳無疑此是平心覈論毫無標榜之意後生聞者亦頗以爲允而佳處尤在快雨無餘諸集中是鼯作序之後反覺序所云不如少壯之論爲未當耳何時更見馳仰不具

夢樓詩集目錄

卷一

放下齋初存藁 古今體詩一百四首

卷二

海天遊草 古今體詩六十五首

卷三

揚州集 古今體詩四十九首

浚六山房集 古今體詩十九首

卷四 香館下集 古今體詩八十首

丁香館上集 古體詩十首

卷五 香館中集 古今體詩五十二首

夢樓詩集 目錄

丁香館中集 古今體詩五十二首

卷六 香館下集 古今體詩八十首

卷七 南詔初集 古今體詩六十七首

卷八 南詔二集 古今體詩六十首

卷九 南詔三集 古今體詩八十一首

卷十 歸人集 古今體詩六十三首

卷十一

柿葉山房集

古今體詩一百三首

卷十二

西湖長集

古今體詩一百首

卷十三

洮河集

古今體詩六十六首

卷十四

快雨堂集

古今體詩一百十三首

卷十五

無餘閣集上

古今體詩九十五首

卷十六

夢樓詩集

目錄

二

無餘閣集下

古今體詩九十七首

卷十七

楚遊草

古今體詩四十七首

卷十八

小止觀齋集

古今體詩七十二首

卷十九

後楚遊草

古今體詩八十六首

卷二十

小止觀齋二集

古今體詩九十九首

卷二十一

小止觀齋三集

古今體詩八十四首

卷二十二

楚遊三草

古今體詩八十九首

卷二十三

江介沿緣集

古今體詩九十五首

卷二十四

乙卯集

古今體詩九十二首

夢樓詩集目錄終

夢樓詩集

目錄

三

論稿上房詩話禹卿賦才英俊尤工書楷法河南行書效蘭亭聖教入京師士大夫多寶重之時全侍講魁周綸修煙奉使琉球挾以俱往故其詩一變殿以雄偉見稱及歸以弟三人及第益風流自喜不四五年中守臨安又二年被劾東還受意於仕進矣其時錢塘素子才壯年引退六詩鳴江沙間禹卿徒文遠管葉

相上下年未五十即耽禪學晚年刻其詩 卷中多有句如竹籬更唱

紅蘭曲相憶在青孝書烟光自潤非閩雨水蔭俱替不搗花光生明月
琉璃地暖勒餘春為藥天芳情草心清遠收飯梅花時節上僧屨皆堪

吟覽辛丑九月二盒程銘款錄



夢樓詩集卷一

放下齋初存藁



丹徒王叔治書

余弱冠時取趙州放下之語名其齋時初學爲詩亦初學坐禪伏處荒江罕所質証癸酉歲以選貢入京獲與丹陽彭澧晉函遼海朱孝純子穎桐城姚鼐姬傳定交各出詩文互相討論晉函齒倍於余多所刪正今所存者十之二三從晉函定本居多命曰放下齋初存稿古今體詩一百四首

春耕圖

和風被四野原隰千里平微雨夜來歇布穀催春耕農人理耒耜晨起露華明隴上負鋤侶水邊驅犢聲入春纔幾夢樓詩集

卷一

一

時春草亦已生靄靄楊柳村喑喑鳴鶴鷓四體苟不勤百室何由盈稼穡誠艱難王業以此成緬想幽風圖遐哉忠愛情

雜詩二十首

萬物各有願吾生豈無心所悲託根淺隱忍遂至今高原無醜枝卑隲無嘉陰起視中夜月皓皓秋山岑商飈被草木入耳淒以森引領念終古行行方滯淫

四海復四海九州還九州亦復戀嗜欲亦復銜恩讎當其馳騫時爭執誰肯休但從事外觀不直一浮漚童叟讀史傳卽今已再週區區數千年一泓逝水流

滔滔江夏水渺渺長江路楊柳沿堤生估帆此中去行子

懷利涉居人理紈素春華亦已零秋草亦已暮望望音書
違空房下蟾兔

唐堯文思世洪波沒陵谷湯網三面開焦灼無草木爾時
諸遺黎俯仰傷局促聖哲豈無心天運難可復遙遙貌姑
山主者顏如玉車蓋唯雲霓衣綵非紈縠不虞飲露人偏
今年穀熟

囚臣小管仲匹夫老呂望鷹揚牧野間虎視葵邱上區區
仁義名竊之互矜尙遂令儒冠徒紛爭霸與王寂寞桐廬
江釣絲輕風颺偶然足加腹天星爲搖蕩古今有此人始
覺天地曠

子房報韓讎一推天地動潛身圮橋邊進履心猶悚出爲

夢樓詩集

卷一

二

帝者師借箸抒智勇談笑定三秦車書成一統忽然慕仙
游辟穀謝榮寵雲中赤松子招手向蓬萊瑤宮爲君建琪
花爲君栽功成身合退隨吾歸去來

春來桃花樹開滿武陵溪花飛逐春浪流作紫香泥有客
隨漁郎乘興偶來此豈惟置田園居然長孫子峽中空深
水門外隔紅塵此景自堪戀何曾爲避秦

與君不相見倏已成千年今朝一握手乃在落花前落花
任風飄白雲隨水散迢迢牽牛星依然阻河漢

少年慕遊俠骯髒風塵間遇酒必沈醉逢人傾肺肝去年
客秦隴前歲游邯鄲結交半天下知心良獨難歸來坐一

室中夜空長歎

深閨有靜女端居愛多暇摹書零露晨穿鍼明月夜一朝
媒氏來高門締姻婭良人佩金龜侍妾奉玉笋雲鬟擁珠
翠織衣馥蘭麝動則笙歌隨行必香車迺繁華豈不盛盛
年恐難借由來人間樂聚蝨何足詫不如爲處子盡日紅
窗下

邵平本通侯青門學種瓜買臣負薪人腰盤太守網竈達
雖由天亦復關志願矯情慕高名簞食見諸面山嶽良可
移性情不可變

廉頗思用趙樂毅不忘燕遊子悲舊鄉烈士慙故恩失路
遘疑患崎嶇忠愛存撫劍眺原野壯心安可論傷哉楚三
閭緣澤吟芳蘭懷貞赴流水棄置何足言

夢樓詩集

卷一

三

梧桐生高岡孫枝何青青伯牙愛逸響采之徵瓊英三年
操縵苦得貌遺其精裹糧復刺船詎惜窮杳冥大海揚洪
波先生移我情

巫山高不極哀猿叫楓林高堂肅虛館玉宇森晝陰靈旗
逼象緯仙珮鏘璆琳雲衣何飄揚舉袂青霞侵荆王駐翠
輦玉貌良可欽惜哉艷日姿暮雨成荒淫

昔我愛遠遊仗劍走千里崎嶇歷川谷倉皇闔城市白日
忽西沈驚颺颯然起途窹欲安歸茫茫對江水

馬卿遊臨邛車騎一何都入賞以爲郎棄之著子虛文君
初嫁日睂山應畫圖彈琴一相對春風入文疏設不逢楊
意終身臥酒壚

人生貴遊仙，謂可遂頽放。若更受官職，何不居塵壤。曼倩滑稽徒，萬乘同跌宕。雖然任執戟，意在層霄上。陶君太解事，車駕頻來訪。緲緲白雲間，冠蓋道相望。寧爲金門隱，不作山中相。

叔孫習禮法，繇叢延魯儒。高冠戴章甫，深衣曳長裾。自謂本經術，尺寸不可踰。荆卿乃酒人，劉毅乃博徒。朱亥不得意，混跡鼓刀屠。一椎椎晉鄙，快哉烈丈夫。

仙女杜蘭香，乘鸞吹玉笙。一朝嫁張碩，紅窗語私情。天邊風露遠，人間恩愛生。不知是何年，方能歸玉京。

麻姑好女子，被服皆雲霞。散髮垂至腰，一半隨風斜。姑年故幼小，愛將狡獪誇。含笑索粒米，擲地成丹砂。方平乃老

夢樓詩集

卷一

四

仙羽衛如大將，超塵八萬劫。位在羣真上，行厨何翩翩。麟脯芳且鮮，天上一尊酒。人間五百年。

上郭

上郭我欲與君相知，相知非尋常。綢繆無盡時，君意我所樂。我懷君所期，何曾隔爾我。亘古無別離，天地歌海水。爲竭與君無改移，竊恐天帝不能證。此事唯我與爾心知之。

枯魚過河泣

白龍魚服困於鮪，蟹鷄披隼翼。百鳥驚駭枯魚，枯魚勸爾勿悲爾。弗脫淵網罟，奚爲

結襪子

出門西望欲從軍，長劔橫腰氣拂雲。熱血滿懷無灑處，十

年空慕信陵君

獨漉篇

獨漉獨漉行人不于水行益深泥行益濁嗷嗷征鴈宿於
河干射鴈者誰箭落星寒黃葉撼撼似其人語秋雲孤飛
欲投何所錦書懷袖別來幾春明月入戶如覩故人空房
深夜羅幃自驚密林猛虎颯颯風生雄劍出鞘其光射天
神鷹一擊矯翼雲間

塞下曲二首

內殿承恩西出師班師正及薦櫻時桃花赤似將軍馬楊
柳青如都尉旗

玉門春盡雪花飛遙見依依柳色微青山影裏紅旗過十
夢樓詩集

卷一

五

萬征人奏凱歸

有所思

有所思乃在碧海之曲青雲之西非關迢遞窮遠道竊恐
大塊以內不能稱我夙昔之襟期少年意氣託江海天涯
謂有知音在十年南北走風塵結交傾盡金壺春其中豈
無二三賢達者總非吾心願見之一人東風兮東風吾願
隨爾往來上下於一氣之中所思儘可旦暮遇相將白雲
跨彩虹

遠別離

遠別離古來乃有后羿之妻竊取羿弓射九日遂服不死
之藥辭深閨織衣直入廣寒住飛行不用雲爲梯玉殿瑤

宮幾千載朝墮蒼烟暮還在
逞嬋娟於萬里之清輝表獨
立於一泓之小海孤眠孤起
無與偕弗御鉛華御青靄吾
欲把酒一問之間此一別歸
何時人問浩劫屢更易卿在
月宮知不知

上雲樂

扶桑之東朝日所出爰有蠻臣
西向來謁脩髯飄揚短髮
縮瑟豐頤台背饒有風骨云
是百年之內海不波歲無疵
癘四氣和中國聖人福履多
重譯底貢土物羅屈雙膝兮
搓兩手粗學中華拜稽首孔
雀是蠻臣家雞馴象是蠻臣
家狗供玉鳥之奇葩酌金花
之美酒夷歌咿啞不盡解總
爲聖人祝曼壽北斗迴西山
高聖人壽算不可量蠻臣萬
萬年歲恭獻度索所產之仙桃

卷一

六

登高邱而望遠海

登高邱而望遠海海水不可見
但見茫茫一氣連蒼靄太古
仙人招我遊直到白雲天盡
頭東方之日欲上猶未上跳
丸出沒當中流其旁雲氣蒸
作五采之綺縠一時盡向洪
濤浮少焉日出青天淨海水
無風碧如鏡行到中天日更
遲宛如秋橘屏風釘世上萬
事空漫漫變滅只在斯須間
見說驚波勝雷電忽爾冲融
窈窕純浸山此景分明在
睂睫誰立羣峰高處看

君馬黃

君馬黃我馬元君馬紫燕駿我馬汗血鮮
兩馬相逢嘶不

已鸞驚龍翥如相憐銀羈玉勒長安道並驅不肯相後先
呼嗟乎物類引重且如此何況賢豪感知已

蒿里

北邙山下誰氏子蒿里生存華屋歿埋此蒿里恐是當時
貴盛人蒿里拖玉腰金衣朱紫蒿里才智通神天可回蒿
里勢焰熏人山可徙蒿里人生自古誰無死蒿里貴賤賢
愚同一軌蒿里繁華倏忽逐虛空蒿里恩愛從今付流水
蒿里勸君送葬不須悲蒿里聞道庶幾其可耳蒿里

陌上桑

曉日秦家女春風陌上桑朱樓臨廣路綠葉暗微行縱是
使君貴寧如夫婿良請看紅蓮沼不宿野鴛鴦

夢樓詩集

卷一

七

羽林郎

萬樹接垂楊翩翩俠少塲青春芳草陌白馬紫遊韉細雨
隨花落暄風送酒香當壚年十五相見恐迴腸

長干行二首

長干復長干愁郎行路難簾前花落盡春色不曾看
窗外將殘月窗中欲燼燈憶郎前月信今夜下巴陵

古意

紉扇綃衣奉至尊歸來煙柳鎖宮門三千粉黛難防妒一
代紅顏莫保恩洛女迴時空有枕明妃去後已無村
十五盧家婦春水鴛鴦曉夜溫

古訣絕詞二首

宛頸兩鴛鴦飛曲岸旁自言雙比翼誰道各分張君攬
天邊雲妾拾海底月同居而異心對面有秦越青春被園
林千花向曉發常恐秋風吹枝枝自糾結鴟鴞鳴涼颼芳
馨日衰歇暮雨楚天寒江深不可涉相望勞肝腸何不使
相絕

海水深浩浩安可升斗量共君結同心當與日月長日月
有盈虧人事多反覆黃河能覆舟太行能摧轂旣感篋中
扇復吟池上蒲當時金屋月照此長門孤初心願決絕良
久復踟躕還君玳瑁簪見之淚成珠

廻腸

一廻嬌盼一廻腸無力春風倚玉牀鸚鵡聰明初學語梅

夢樓詩集

卷一

八

花清瘦未成糝臉波紅暈春江曉脣黛秋橫碧岫長自恨
身輕輪白燕等閒飛得上釵梁

蕭爽閣晤心潭上人兼送黃月波之眞州

禪房人跡少清磬出幡幢楓落新紅樹蕉殘舊綠窗雨昏
舟泊岸天遠鴈橫江爲惜明朝別深杯話夜缸

由北固山循江濱訪月波詩屋

蕭瑟江干路新寒上客衣秋風牧馬地落日釣魚磯北固
橫青靄西津擁翠微故人詩屋在臨水叩柴扉

蕭爽閣坐月

海天萬里此憑闌丈室燈微滴漏殘雲起忽兼春樹斷樓
空不盡暮江寒久憐伏枕違巾舄可信飛僊有羽翰夜半

誰家歌水調拂衣眞欲問漁竿

送宋九彰占之袁浦

江湖誰不感離羣無那星光聚復分袖裏魚書還錦字匣
中龍劍已苔紋三秋別浦懸明月千里浮淮有暮雲休向
尊前吹玉笛陽關悽斷不堪聞

劉伶臺

晉賢喜曠達沈酒未知返今日酌荒邱西風稻花晚

枚里

鴈飛浦上雲鴉掠湖上水滿地夕陽多知是枚阜里

趙嘏樓

淮浦千株柳臨風十里春月明何處倚不見倚樓人

夢樓詩集

卷一

九

淮陰郭外同宋九晚步

積雪明頽岸清流遶舊城籬間村犬睡客過晚鴉驚雲際
懷鄉國天涯重友生寒原貪佇立歸路少人行

古松爲風雨所拔

黃鶴山頭老松樹鐵柯石榦飽風露寒姿崛強逞孤直勁
氣盤挈故廻互童童偃蓋參青天古老相傳六代前山前
戴頂隱君宅山後寄奴奴王者泉滄桑陵谷無窮已六代功
名隨逝水蕭統樓空蝙蝠飛佛狸祠壞神鴉起郊原突兀
南山高高松無恙干雲霄陰崖冉冉蔭數畝樛枝謾謾驅
波濤霏霖汎溢苦靡息叫窳空山神鬼急雷師風伯猛鬪
爭蒼昊精靈惜不得元氣割剝霜雪根荆棘摧頽龍虎骨

柴關反閉樵歌聞禾黍蕭條映寒日銅臺金谷土一邱古
來興廢如浮漚上方餽晚魚鐘歌山下長江晝夜流

中秋對月懷友人遊西湖

秋氣千山肅清光萬里分濕花初有露近月總無雲此夜
詎常好臨風方憶君六橋燈火裏湖水白紛紛

寄唐井元

君家洞庭七十有二峰翠微直上盤虛空垂藤窈窕俯空
碧五湖一片波溶溶君才清映五湖水瓊柯亭亭出塵滓
乍別吳宮兒女鄉來尋淮浦英雄里英雄兒女更何論年
少羈縻總斷魂西子屨廊芳草合韓侯釣渚白波昏憶余
淮浦歸江村三年風雨常閉門門外蕭條寄奴井祇今日

夢樓詩集

卷一

十

長青苔痕吳中秋氣正蕭爽蓴羹入饌晚可飡聞君旦暮
理烟棹孤帆迅剪江流奔江上家家京口酒好纜扁舟傷
楊柳叩門就我傾一斗他日天涯重迴首

江上懷宋九

莫倚江樓望憑高觸遠愁夕陽兼楚盡春水入淮流

攬秀山房對雪送邱玉卿北上

天寒雪擁大江陰惆悵臨風欲罷琴有客鳴鞭都下去何
人擊節郢中吟夜殘燈穗含離思春到梅花見故心傳語
斑駁莫馳驟錯刀錦段易沾襟

八公洞晨起

晨興步山麓零露濕衣裳沿徑野花碧到門流水香草痕

知鹿跡樹杪見僧房鐘梵冷遠因之悟坐忘

上巳日同人修禊浮玉山亭有懷李四琴夫

天桃三月紅雨飛水邊修禊春風微采蘭仕女青玉珮折
花郎君白袷衣接天草色日將夕滿路鶯啼人未歸記得
去年山酒熟一樓明月吟芳菲

南郊同黃月波作

春陰靄層雲閣門晝常閉朝晴眾鳥喧故人亦云至握手
出南郭郊原豁無際石橋流水滑綠篠柔風細人喧識村
落山靜對古寺草木雖未繁濛濛有新意倦來坐松根松
籟送餘吹各言事所欣不知日西墜

遊顧龍山

夢樓詩集

卷一

七

偶然慕邱壑出郭遵溪隩行行不知遠遂以窮山谷山色
荒逾秀水容寒更深高松墮殘雪凍雨灑幽竹古殿閉苔
深孤塔畱雲宿日暮紅霞起晴光泛波縠漁舟天末歸鳧
鷺相與逐悵悵羈旅人懷古傷幽獨

戴叔倫墓

長蕩湖頭水西禪寺外邨野花濺客淚香草葬詩魂風急
雲無色天寒沙有痕樵歌與漁唱終古送黃昏

城南晚步

最愛城南路無人自往還孤舟殘雪岸獨樹夕陽山黃竹
圍池館紅橋臥水關戴公招隱處幽絕未能攀

秋日登北固山

畫角聲高牧馬迴，西風落日此徘徊。
沈戈難認孫劉蹟，載筆猶傳顏謝才。
江帶雉城千舸艦，欄盤鳥道萬樓臺。
東流一片蒼茫意，欲向空門問劫灰。

忽忽

忽忽少年去，悠悠萬事慵。
夢殘孤枕月，霜到五更鐘。
腰豈吟詩瘦，愁緣被酒濃。
江深不可涉，誰與采芙蓉。

東禪寺

微聽松風響，而無鐘磬音。
禪房僧未起，初日上東林。

西禪寺

迢迢雙樹影，獨占夕陽多。
更欲尋幽境，牛羊下晚坡。

淨土寺

夢樓詩集

卷一

七

鐘梵出林杪，蒼蒼一徑幽。
水邊淨土寺，竹裏夕陽樓。

八公洞納涼

白雲生古洞，赤日隔林邱。
松籟千山雨，泉聲一壑秋。
茗香閒自酌，花落坐還流。
他日誅茆處，支公爲我畱。

月夜同秦星門登月華山寄宋九

勾吳亭畔宿烟銷，殘漏登山興轉饒。
滿地霜華人寂寂，誰家燈火夜迢迢。
大江城郭陵三楚，明月樓臺自六朝。
極目雲天重，悵悵年牋素，故人遙。

野望

平原白日盡，隔岫生烟霧。
陣陣暮鴉歸，前村有深樹。

揚州蓮性寺同殷石琴黃月波訪劉南廬不值

隋家臺殿已邱墟尚有高人此著書
鐘外斜陽含堦烟
中白露老芙蓉僧歸落葉平湖晚
門閉空山古木疎
傷往懷人何限意紅橋回首重躊躇

秦淮水榭雨集同彭黃園二首

向晚秦淮雨蕭蕭竹樹中
憑軒一長嘯滿檻落清風
白舫常爲客清樽此暫同
秋心良易感砌下已鳴蟲
坐久雨聲歇高樓返照初
移尊當樹密展簾就窗虛
歌管繁華盡江湖禮法疎
東山謝安石高臥近何如

烏衣巷

南朝宮殿半斜暉
王謝風流轉眼非
已分經秋淹白下
那堪向晚弔烏衣
滿塘野草盡初亂
一樹垂楊燕不歸
莫擬

夢樓詩集

卷一

三

更尋江令宅青溪溪畔雨霏霏

守風登燕子磯

江口維舟黯夕陰
曉晴蠟屐且登臨
日光雲亂石城遠
王氣烟銷鍾阜深
鐵鎖樓船俱往跡
西風秋草動歸心
晚來解纜中流去
擊楫聊爲慷慨吟

送張秋渚赴滇南總鎮幕

貔貅夜發角弓鳴
萬里牂牁赴使旌
幕府有人能說劍
滇池無事正休兵
碧雞金馬雲猶濕
楚火吳天望欲平
報與元瑜善從事
高堂應爲數歸程

潘曉樓人日招飲北固山下

北固孤峰聳碧天
閒居潘令愛周旋
雲銜晚日穿林外
雪

擁晴山落檻前人事飄零違舊雨江春蕉萃入新年酒酣倚劍重吟望此地興衰倍可憐

題贈趙桐門道士

桐門道士殮霞人致虛抱一還其真有時獨臥松頂月無事共醉江頭春白雲半天鶴不下滄波萬里鷗難馴便欲從君問大藥駐顏浩蕩遊無垠

爲趙桐門題畫

句曲之山仙所都金宮石室藏奧區青霞時與樹杪接白鹿直向窗前趨趙公靜者黃冠徒早育嬰姪安鼎鑪丹成不歸上清去遊戲且讀人間書通靈妙畫常在手清遠頗似地肺圖洞泉復杳林蒼蔚閱之心地生沖虛幽事關人夢樓詩集

卷一

十四

本結習世網累我還飢驅願借圖中好山水相與攘別安茅廬

焦山別宋九

龍濤侵洞月侵階把酒須教放客懷明日海門春漲發一時送不到清淮

賦得江上梅花畱別同社諸子

誰向離亭唱路難梅花消息已衝寒夢醒山館人初散笛歇江樓雨未殘十月關河無過鴈一天風雪有征鞍回頭寄謝江南使馬上逢春不忍看

瓜洲逢鮑步江

故人蕪城下經年苦羈旅我行亦匆匆未能致片語長揖

就征途斜陽下瓜渚

春帆詞畱別二首

河梁別淚落青衫懷袖長畱錦字函寄與故人休送遠春風春雨滿春帆

春帆一片大江西鐵甕城頭日欲低此去長安若回首江南何處不鶯啼

甕湖曉望

甕社春林曉秦郵輟擢時高臺才子地殘月女郎祠湖水連雲氣漁歌和竹枝御看天盡處沙影泛鷗鷄

次黃河

朝渡黃河水暮宿黃河月客路苦稽遲五日未能發黃茅

夢樓詩集

卷一

五

卷風颭白坂積霜雪彌望曠原隰遊日少林樾多病鄉思深依人生計拙平生遠遊志茲夕肝腸折念彼棲遁人慨焉慕高潔

易水懷古

當時車騎出燕關易水蕭蕭白日寒任俠何知生死重慚恩反覺去畱難筑於市上和愁擊劍向燈前對酒看欲訪荆卿今不見自憐青鬢客長安

病

客心千里外病體一春餘曹植塵凝榭潘仁草滿廬凌晨親檢藥落日臥攤書寂寞門前轍朝來覺更疎

題墨梅

墨梅略似大蘇詩竹外蕭蕭露一枝彷彿紙窗香未退江
南歸夢欲醒時

逆旅匆匆過早春見梅若個不傷神去年風雪江頭路手
拗寒香送遠人

杓突泉

誰能鑿地脉竅穴滄海根卻疑三淵泉乃通星宿源驚湍
一紆鬱伏流怒倒奔颺如碎玉斗砉若傾銀盆跳珠濺衣
袖灑沫飛層軒餘流亂玦環激岩鳴潺湲歷下松杉多日
夕風濤翻謾謾舍勁氣贈答如箴塤過客探奇秀凭闌朝
至昏風水互噴薄入耳不覺喧安得此坐臥彌年滌塵煩
遊歷下古亭晚泛大明湖二首

夢樓詩集

卷一

七

唐賢題句處我輩此還經落日感遺堞秋風上古亭荷香
隨酒遠山意入城青莫唱陽關曲江湖有客星
晚涼被酒後初月放舟時人在蘆中語歌從水上遲江山
雄海右談笑慰天涯百罰休辭醉清輝滿玉卮

再遊

一夜湖光載滿舟重攜歌舞巖碧巖幽雲開直暎華不曉山
斷遙分秦岱秋豪竹哀絲當落日遠天衰草送登樓深杯
傾蓋勞頓勸無那相如早倦遊

歷下別張正其

涼秋並馬出燕關張翰菰蘆未擬還東海風高排遠嶂南
天雲盡有家山傷離莫問舟車瘁謀隱終耽竹樹閒向晚

不若明月上樓頭樂府唱刀環

途中懷殷石琴兼柬黃月波心潭上人

春夜廣陵酒秋暮江城月兩度展讌遊未能酬契濶孤舟
涉大河落日在疎樾顧瞻少儔侶相思變鬢髮想像江亭
暖芳草應未歇攬衣湖南風欲採故山蕨

友人新搆小軒索題三首

愛君古城隈小搆半間屋屋裏有異書無人自開讀
俯舍水一曲當門柳數株空林人語響日暮下樵蘇
秋稻供春釀時時喚客嘗昨夜新醅熟鄰家聞酒香

蓮華寺訪蔣春農舍人

何事安禪地獨居經幾年香聞白蓮寺人在紫薇天下直
夢樓詩集

卷一

七

僧猶定敲門犬尚眠鄭家書帶草庭下暮芊芊

歲暮四首

歲暮遠遊客端居意若何野霜霑草重高樹撼風多此地
盛冠蓋頻年負薜蘿誰憐湖海氣羈旅未消磨
荆卿中酒後樂毅上書時慷慨無流輩艱難報主知風濤
易水遠煙樹薊門滋攬古成蕭瑟吾生真後期

落寞我園叟

彭晉函

文章近代稀相逢常袞袞小別卽依依

說劍鬚眉壯抽毫氣息微虛名身後事臨酒一歔歔

故園邈雲外城郭映清虛土潤田宜稻江深市有魚鴈過
橫北固樹裏見南徐何日真歸去惟牛餽里閭

病中呈葉書山先生

臥病京華春白晝苦沈寐一日兩存問厚意令人媿先生
藝林傑時輩無由企墳典詣宏深風雅剖眞僞叩門求夜
話今古助崇議往往達深更童子觸屏睡項詩誦不休雄
文薦方亟竭來櫻二豎接待莫能遂東風吹繩牀樵蘇晨
未備肉食餽羸瘵藥餌起顛顛憐才思古人伏枕發長喟

放歌行贈彭晉函

九歲不識字梨栗縱遊戲十歲能賦詩開口眾驚異十三
通經術十五成文章二十爲任俠凌霄意氣何昂藏頭上
雞冠切雲立腰間龍劍倚天長縱博甘爲彥道詐揮盃不
讓次公狂口折羣儒如炙輶力排壯士似驅羊破產報讎
拯危難掉臂無端邈雲漢未容豪貴繆恭敬况受小兒聞
夢樓詩集

卷一

七

調玩坐此蹉跎歷歲年滄浪蓬鬢眞可憐空有聲名驚海
內竟無金玉買良田燕京相遇對牀宿卻語平生淚相續
齊門有客盡吹竽易水何人能擲筑老驥雖伏櫪蕭蕭仰
天嘶松柏值歲暮蒼蒼無改移千仞岡頭振衣立一喝青
天成霹靂只今誰是信陵君少年肝膽猶堪歷

病起貽姚姬傳

杜門臥高閣養病下重帷起看草木長始覺春光移眷言
素心友幾日音塵遠未能快談讌何以展恩私在昔賢達
人聚散恆無期譬彼風中萍條忽成乖離念茲愴懷抱出
戶披我衣急欲一相就風颺侵人肌浮雲起天末對之增

遙回思君蕙蘭質誦君冰雪詩

夢樓詩集卷二

丹徒王文治禹卿

海天遊草

乙亥之冬琉球國王尚穆表請

冊封使臣全魁斗

南聘余偕行余遠借

以重琉路險勸

其胸腹

夢樓詩集卷一終

夢樓詩集

卷一

九



冬心女幾日音塵遠

思在昔賢達

入秋感物無期警彼風中萍倏忽成乖離念茲愴懷抱中

戶報不意欲一相就風隨似人肌浮雲起天末對之

廷回君若慈蘭質誦君冰雪詩

夢樓詩集卷二

丹徒王文治禹卿

海天遊草

乙亥之冬琉球國王尙穆表請冊封使臣全魁斗

南聘余偕行余遽諾之京中諸知交以重瀛路險勸
阻甚力余時性頗好奇必欲一觀於海以拓其胸臆
遂違眾議而往既歸得海天遊草二卷今刪併爲一
卷古今體詩六十五首

將往琉球畱別諸同學

平生滄海心十載困羈縲京華緇素衣策蹇行蹢躅迫隘
思遠遊煩渴成內熱何當懷抱寬暫使樊籠脫琉球東海
東世界隔潮汐重譯求分符亦足美 皇業浮查使者星

夢樓詩集

卷二

一

夙昔故相識茲行偶然遂聊用竊瀆洪濤割陰陽中流
雲漢沒寒風吹天空白日大魚出鷺險絕比倫心胸庶開
豁丈夫不得志湖海隨播越野鷗萬里波生事那可說觚
稜下殘暉驅馬離魏闕經過故閩里重覩舊林樾親朋欣
我至壺榼自提挈飄挂浮玉風屐穿黃鶴雪十日累千觴
流連不知歇歡會無常期愴焉念離別夜寒江月落雞鳴
催曉發

丹陽口號

春潮未滿客行遲花墮清波鷺不知一局殘棋簾乍卷丹
陽城外雨如絲

丹陽懷彭晉函

都下分襟又隔年，經過梓里一凄然。孤鴻去國跡無定，老鶴向人鳴可憐。荒草夜聽江岸雨，綠楊春浸練湖天。此行何處通音問，滄海茫茫萬里煙。

宿毘陵驛

日暮泊舟處，蒼煙樹滋臨。河樓上下數里竹，參差白雨春。申浦青苔季子祠，蘭陵故鄉酒偏是惹離思。

雨中望九龍山

虛舟信風潮，逶迤遵山路。開窗納蒼翠，自晨逮將暮。峰隨峭颿轉，目與層巒遇。雲歸鳥飛外，雨歇人烟處。何必窮登頓，賞心得沿溯。清暉適我新，邱壑逢余故。請具五湖糴，散髮從茲去。

夢樓詩集

卷二

二

眞娘墓

武邱山畔石參差，不見生公講法時。一夜眞娘墳下雨，桃花花落盡土花滋。

煙雨樓

西水驛前春水流，小桃花下繫蘭舟。月明故國一千里，獨上嘉興煙雨樓。

杭州十首

十載杭州夢，今朝白舫過。山村依竹木，城郭帶煙蘿。地有江湖勝，人經興廢多。吳山高處望，殘日接蒼波。

聞道雲林寺，飛來向鷺峰。頽霞崖欲墜，花雨路常封。峻嶺盤飢鶻，幽泉蛰毒龍。蕭蕭松徑外，獨聽上方鐘。

西湖一鏡明樓閣映泓渟蘭漿迎花泊菱歌隔雨聽
魚尾赤春岫佛頭青客子貪遊讌連宵醉不醒

我來三月暮未覩曲江潮日晏臨官渡天風正寂寥亂帆
春雨重隔水暮山遙海氣連空岸龜鼉跡未消

陌上看花女猶歌緩緩歸江山英略盡宮殿昔人非白草
春澆酒青松晝掩扉表忠碑版在一半長苔衣

初經天竺寺滿磧落松花更上韜光頂篋營萬个斜土風
隨處異景物望中賒僧院晴燒笋人家午焙茶

到處尋幽勝倦依獨樹根漁舟歸浦澈桑柘散雞豚幾載
民憂勞雙峰雨又昏關心課豐歉偶與老農言

鄂王埋碧血大樹撼長風冤獄畱三字邊塵沒兩宮前朝
夢樓詩集

卷二

三

仍北狩復辟賴于公亦被青蠅搆孤臣飲恨同

愛酒白居易能詩蘇子瞻風流兩太守俱此駐帷檐開瀆
成勞在遨遊勝事兼六橋煙樹裏映水出紅檐

春老梅花盡孤山古月孤千秋高士跡十里夕陽湖雲外
迷歸鶴門前聚野鳧誅茅吾有願願此傍菰蘆

周亦韓晨告昆仲招同全侍講暨諸同學遊西湖

湧金門外朝光嗽上湖下湖平漲痕籃輿侵曉出城府瓜
皮小艇攜金尊周郎地主稱好事季難爲季昆難昆斫魚

鬪筍親治饌山家風味簡樸存翰林先生更儻擯斥騶
從揮華軒推窗脫帽自行酒指點山色髯頻掀一時座客

盡豪翰廋詞詭語成清言南屏一隅聳碧岫獅跬象伏虎

豹蹲舍舟登陸造幽峻各逞足力攀雲根披荆撥草互騁
逐輕捷不數猱與猿興餘散步蘇公隄隄直若弦庶草蕃
眾言此地便較射繡珊瑚花下懸旗旂村莊婦女罕見此闕
臂來看羣兒喧雲輕風疾官笥勁一發已報楊葉翻揮鞭
大笑覓歸路夕陽春水臨黃昏人生此景難數遇上馬擁
鼻吟蘭蓀回頭卻望遊覽處瞥眼已被煙光吞

錢塘江口號

春雲漠漠石斑斑出入朝霞晚翠間好是連朝風水逆教
人看煞會稽山

巖子陵釣臺

無處問高躅空江一釣竿須知天子意也作故人看嵐氣

夢樓詩集

卷二

四

秋連水潮聲夜上灘雲臺羣宿外落落客星寒

七里瀨聞子規

七里嚴陵瀨千山列畫屏急湍安水碓亂石著茅亭岸壞
聽鼃竄巖深草木馨杜鵑聲最苦誰遣客中聽

度仙霞嶺

閩越富山水嵐靄帶州郡高嶺扼要害細徑盤百輒千峰
疑無路虧蔽綫縷引乍暎山花香新霽洞雲潤衣教蘅杜
染屐遣莓苔印上攀初忘險下視始知峻絕頂構傑閣枝
柱青旻近析薪僧雨三見客閒問訊霏靄澆霞池跌坐落
英襯清泉激怪石遠雜風篁韻迴向不住心始覺流年迅
茫茫萬里外山海孤蓬鬢

山田

山田高復低澗水流還曲牛背夕陽微新秧映波綠

福州雨後

青山淨於洗過雨蟬初歇一徑踏蒼厓桃柳垂接葉風微
蘋末開暑退荷衣潔沿堤新水滿潺潺鳴珮玦誰家池上
樓紅蕉隔牆發

食荔枝

也似東坡爲口忙天南新得荔枝嘗旋攀叢綠雲猶泣乍
擘輕紅手亦香螺女江頭垂橄欖公諸城上暗檳榔客窗
朝起涼於水蔡譜先教仿數行

福州寓齋懷邱玉卿

夢樓詩集

卷二

五

玉卿閩人宦江渚別後相思溯南浦謂到閩中或相見那
知官程轉齟齬憶昨江渚天初秋風吹野水南山幽白舫
青簾行玉竿烏絲紅袖寫銀鈎箎絃聲裏燒官燭日夜追
歡猶未足賢豪聚首古所難時序催人今更促白入閩中
幕府清多暇端憂愴幽獨簷外桐花亦已頽牆頭荔枝亦
已熟此際榕城望上杭迢迢明月斷人腸乘風便泛重溟
去縱有雙魚何處將

南臺聽雪堂上人彈琴

日氣射滄海萬山朝霧深凌晨叩禪悅筍輿穿遙岑遠公
出虎溪橫壁惟素琴久遲去聲方得晤移坐榕樹陰爲我撫
玉軫仙風動璆琳門外海潮響和茲流水音引領望空

感余萬古心澹對絕思議誰爲去來今曲罷一蟬噪殘暉
在西林

渡海前一日觀劇口占

把酒休辭玉盞深扁舟明日海東潯吳兒一夜銷魂曲榎
觸中原萬里心

渡海吟

海門一揚帆浩蕩不能止地維天軸乍低昂老魚屈強潛
蚪起元氣頃刻風雨驚天外罔兩陰陽爭眼中誰辨路遐
邇耳邊但聽擊雹轟雷聲羲和騰御於朝潮之內顧菟委
照於夕汐之外大千世界若浮空一髮中原定安在川后
陽侯儵往忽來金支翠旗靈光洞開赤鱗白鳥前導而後
夢樓詩集

卷二

六

送天神欲降心徘徊忽將黯慘變瑤碧黑水之溝深似墨
渾沌如遊邃古初元黃不辨乾坤色那須然犀更照耀颯
颯陰風戰毛骨方知中外有分疆設險惟天界殊域我聞
百川萬派清濁殊於廓靈海常委輸奔騰日夜不肯歇機
關運轉如輓轆偷閒我欲問真宰問渠東去將何如

六月二十四夜海舟爲颯風所敗溺水獲援同人

或以詩見示率爾裁答得四百字

我欲窮溟渤汗漫賦遠遊言附博望槎東向溯女牛親戚
攔道哭朋好抵死畱揮手棄之去千喚不回頭獨爾爲絲
綸珊瑚爲釣鉤上春別江邑孟夏臨海陬望洋發長嘯豪
氣橫齊州勸吉揭百尺祭告羅珍羞九颯一以發

海舟之
帆凡九

葉千里爭轉眸，礮礮走雷電。僂倮飛驎騶，那知中原遠。始覺乾坤浮束髮，慕奇險積願今始酬。苦樂古相倚，快心必多憂。矧今履危地，豈得常安流。三日屈古米，姑米山亦名古米山，疏球屬島。七日困逗遛。十日颶母虐，纜絕不可收。是夜海雲黑，

萬鬼聲颺颺。陰風扇腥雨，怒鯨鬪潛蚪。洪濤排連山，上下

相躡蹂。巨艦觸礁石，似曰以杵投頃刻。胥及溺，自斷今生

休。珠燈起天末，金光燦星游。若非神扶持，全活可俸求。時

神燈降於空中，船得近岸。島夷亦來援，破浪負我酒。霑濕出海岸，踉蹌

赴行郵。赤腳緣鳥道，披髮度荒邱。生死不自識，反喜偕同

儔。夷官勤職事，咄嗟命豆區。頰面得煖湯，餽粥還相賜。驚

定默思維，三界真輕漚。小年及大年，晦朔與春秋。康莊亦

夢樓詩集 卷二 七

摧輪坳堂亦覆舟，壯夫七尺軀。詎能老鋤耰，海外博聞見

絕勝封公侯。生理儻無乖，行住頗自由。古米固窮島，民愚

俗未偷。旣欣禾稼登，球人以九月種稻，四五日收穫，是歲書有年。况有林塘幽

翼日轉晴霽，碧海如潑油。暮景獨散步，鳴蟬綠陰稠。何嘗

無魏晉浩然忘，殷周

姑米山和友人韻兼呈周景垣全斗南兩冊使

豐草深林大海濱，路迷眞到武陵津。莫嫌荒島衣冠異，且

訪名花杖履頻。螺瓊今朝新釀酒，鯨濤昨夜暫時人。使星

戀闕憑高望，何處祥雲是 紫宸

治將有海外之行，桐城姚姬傳書朱竹垞題汪舟

次乘風破浪圖長句爲贈，頃姑米被風行，詩典籍

泉私所著述漂蕩盡矣暇日檢敝篋忽得姬傳此
紙展對反復有懷其人

蛟涎龍跡何淋漓濤痕重沓堆亂絲開緘發篋涕漣洏故
人臨別手所持去年共君住京師巷南巷北勤追隨一日
三度無厭時愛君初不工臨池點黠意造生古姿余結春
蚓君不吮斷碑古碣同搜披自許駝蛩靡改移豈圖轉眼
成別離相思中外音書隔海水無情浮遠碧高樓何處哀
箏急卽日遂良鬢鬢白

海外七夕

試問銀河路何如碧海遙有星臨分野

琉球爲女
牛分野

無睡待

通宵性命爭蛟窟雲天限鵲橋支機何處訪玉露夜瀟瀟

夢樓詩集

卷二

八

長風閣立秋和全侍講韻

萬里橫槎鬢欲絲感秋騎省曉吟遲涼生天外扶桑葉月
到人間桂樹枝蛟蜃有涎沾海氣鴈鴻無路寄鄉思遠行
此際才蕭瑟宋玉當年恐未知

停雲樓聽杭州徐傳舟彈琴

八月南荒苦炎熱徐君隔牆不相見渴思相就慰離索十
日五日纔一面撥書邀我同據牀爲我撫絃動清商一彈
一抑天地靜門前大海凝冷光初爲梅花弄衣袂襲芳潔
恍如置我深山中流水斜暉立水雪續爲桐葉秋風吟變
衰搖落秋氣深唧唧聲添砌蛩暮騷騷響振巖樹陰旅人
經秋易華髮那更天高秋海濶中原相望不相聞白露涼

波墮殘月徐君及我皆少年奔波性命絕可憐故鄉各有
好山水湖雲江樹同清妍茲遊汗漫亦何謂奇絕得觀天
外天一蓑一笠雙蓬鬢且狎魚龍侶蛟蜃誰從海外寄秋
心乞君更奏思歸引

觀 冊封禮成兼贈紫金大夫鄭秉哲

大瀛三島外小界九州東合沓山蟠踞齋淪氣鬱葱有王
稱守禮奉職最輸忠正朔滄波遠名藩辨岳雄葵曾重譯
獻琛已百年通纘緒修侯服封章達 帝聰璽書儀部發
使命侍臣充秉節將 天語揚帆駕海風迎 恩冠益肅
適館豆籩隆調吉開 丹詔凌晨啓雪宮前驅黃繡繼後
騎紫花驄周道平如砥連橋曲似虹街臨椰子碧牖出佛
夢樓詩集 卷二 九

桑紅處處垂朱箔家家結綺樞拜瞻來父老喧笑聚兒童

次第穿雲磴迴翔轉錦幪建邦良已古喬木盡成叢鞏閣

聞銀漏列漏門蛟涎滴石碣瑞泉門大廷宣 聖訓香案表臣

衷黃紙題緘鳳形墀序列鴻趨瞻如對 闕舞蹈聽呼嵩

內殿開筵敞官廚辦膳豐錯惟酋長貢三十六島之長歲貢方物悉以宴賓

鮮得獸人量奔走俱膚敏盤飧逮僕僮是日使臣僕役俱有宴歌徵

弦歷歷樂奏鼓逢逢簾捲山光秀窗延海色融杯行歡

接火繼讌方終小相趨章甫儒臣倚鄭崇詩書鄒魯上

鬢綺黃翁石鼓曾披薛金臺舊剪松秉哲曾入國學監讀書

入掖噦噦鳥鳴桐君意勞傾蓋予慙顛轉蓬鳩店

鸚鵡避焚籠汗漫身何託風塵而久蒙星

學叅戎雪暗孤鴻過天高一鶴狝乾坤青眼在
空冷露馨巖桂清霜變岸楓相期攜酒榼還與遊詩筒
笑人間世交親氣概中

八月十五夜笋厓坐月有憶隔歲同朱子穎姚姬
傳陶然亭之遊

海於天地物最鉅荒怪傲詭靡終窳有時駭水萬里激掀
天振地飛驚淙黑雲壓空生晝晦杳冥上下迷西東今夕
何夕風色靜纖塵不動波溶溶誰碾氷輪上碧落乍開塵
匣懸青銅此間風景最殊勝如瓊細草鋪蒙茸雲根獨據
看秋影九州一氣蒼煙通生平一二賢雋士詩瓢酒榼到
處同去年 帝京今海外自傷踪跡眞旋蓬浮生離合豈
夢樓詩集 卷二 十
有定亦如海水遭天風故人儻問近消息汎乎不繫舟乘
空

望山南王故城

明初琉球國分爲三曰中山曰山南曰山北永樂
間中山王尙巴志并而一之山南王故城在高嶺
黍離憫周宗銅仙辭漢京豈惟帝王州海外亦甲兵昔茲
遘陽九禽荒啓鬪爭惟藩股肱郡薦食鼎足成山南及山
北割裂何縱橫有明正龍躍飛檄迓重瀛接踵納琛賁次
第磨弁纓運移繁華謝代遠臺殿傾荒荒海日薄萋萋秋
草平高木振哀響細路委斷荆舊邦會恢復竊據難兼并
默觀倚伏理彌感古今情

安里橋古松歌

鬱滃彷彿垂天雲又如車蓋來續紛老枝詰曲瘦蛟影霜
皮剝蝕蒼龍鱗天高雲斂白日靜往往笙籟虛空聞球陽
產松多秀逸依嶺緣岡蔚寒碧泉崎十里至王城千株萬
株青黛色此株獨具干霄材羣樹兒孫儼羅立橋下霸王
與海通暮潮激岸聲琤琮樹邊數息照孤影逝者晝夜靡
有窮忽感前年風雨惡故山吹折十三松
吾鄉鶴林寺十
三松王申秋風
雨拔去
數株

九日泛舟遊奧山同周全兩侍講暨中山鄭秉哲
大夫

松濤聲接海濤流九日球陽此泛舟隔水人家殘照遠際
夢樓詩集 卷二 十一

天蜃氣斲雲秋蘇卿才調清如雪角里鬚眉老似蚪誰遣
歌喉出空翠鄉心萬里暮悠悠

龍潭

寒潭徹底明細穀平於掌潭上立蒼崖海樓高十丈

瑞泉

蛟涎橫素練佛乳鍾青壁漏閣晝無譁時共銅壺滴
瑞泉與刻

近漏門

墟市

鬪鏤風枝軟芭蕉雨葉肥誰家十三女薄暮趁墟歸

萬松嶺

盤岡萬株松俱作龍鱗色松逕有行人籃輿隔深碧

圓覺寺題壁三首

野梅枯盡白蓮荒
天女橋邊海色涼
片片辭柯巖際葉
被風都捲過迴廊

王家宮殿鎖雲深

寺有龍淵殿奉歷代先王木主

日暮輕烟罩薄陰
松檜

乍疑雷雨響鐘魚
齊作水龍吟

不借軍持逸興孤
舍人詩句半模糊

壁間有前冊使林舍人虛廊雙不借詩案

一軍持

行藏老衲休相問
萬里中原一釣徒

閏九日同全周兩冊使雨中登湧田崎欲遊城岳

不果歸憇馮氏園小飲周詩先成卽次其韻二首

一雨秋林萬壑幽
使星冠蓋美遨遊
未妨公讌頻吹帽
已

分重溟不繫舟
五字河梁蘇屬國
經年書記阮陳畱
生平

夢樓詩集

卷二

十一

不淺登臨興霑濕
還應到上頭

殊方物候幾回新
猶自衣衫染庾塵
城岳忽迴金齒屐
藍

田剛對玉山人
松筠密愛清陰遍
禮法疎綠懶性眞
鴻跡

醉餘從點蹠
他年誰爲拂紅巾

笥崖月夜聽徐傳舟彈琴

大海無人處
月明生暗潮
孤琴時一奏
白露曖層霄
夜靜

水逾澹秋涼
天更遙
鮫人如解聽
清淚濕水綃

遊東苑呈中山王

凌晨陪清遊
松逕鞍初解
幽篁密蔽天
啓牖豁當海
雲水

淡若空島嶼
沒還在階砌
積茅茨
軒楹謝雕采
柴荆閒自

開魚鳥馴不駭
淳風域外存
古制
賢王楷攀林
摘橘袖綠

岫拾蘭茝零葉辭枝柯繁葩尙蓓蕾拂衣滄波深懷鄉時
序改愧無枚叔材徒有相如猥徒倚望仙臺漁歌隔青靄
贈前法司蔡溫二首

法司通儒術能詩善書曾爲先國王傅今致仕仍
領具志頭采地常備顧問

舊作長沙傅今尋辟穀方青松巢鶴老碧海掣鯨長賜第
巖巒萃藏書玳瑁裝昨過通德里一徑踏篔簹

海外存文獻三朝列上卿高雲歸岫早泉水在山清杯酒
閒疏廣蒲車老伏生古人安可作對爾一含情

中山王席上贈首里翁盛卿翁允溫馬克禮毛文
麟四公子二首

夢樓詩集

卷二

十三

中山貴戚子弟皆習歌舞供奉王廷謂之若秀雲
髮錦衣頗極纖麗四公子其尤也是日公讌國王
命之行酒各出絹素索詩

驄馬烏衣白面郎塗脂傅粉學宮粧一雙秋水當筵轉銀
燭千條別樣光

垂腰散髮彈如雲白紵新聲白練衰歸到中天應記得瑯
琊鏡向十洲聞

次日豐見城按司攜首里諸公子見訪更索新詩
再賦二首

一行金勒響瓊琚公子羣過水竹居巾髮也堪千萬直綺
簾卷是十三餘將離更唱紅蘭曲相憶應看青李書鸚鵡

香醪斟酌遍不知涼月透交疏

那堪清江接海門每隨殘照望中原東風未與歸舟便北
思空銷旅客魂盡夜華燈舞鸚鵡三秋荒島狎鯨鯢他時
若語悲歡事衣上濤痕並酒痕

全侍講招同徐傅舟倪卷阿馮象泉張正其會飲

十月球陽葉初落新寒天氣宜尊勺况是黃花衰佳色暫
拋羈思恣謹謹繁絃急管錯雜陳殊方之樂殊感人觥籌
往復鬪無算淋漓酣適忘主賓酒闌曲罷沉清漏徐君拂
琴終雅奏太音一洗箏笛繁露草空庭耿星宿

遊興禪寺

古寺人過少木樨香正清林深留鳥宿石瘦著苔生微聽

夢樓詩集

卷二

十四

遠潮響兼之落葉聲汲泉烹未熟澹日上西楹

善興寺晨起

九點齊州望眼賒夜來驟雨北風斜重衾畏冷朝慵起臥
聽雛僧掃落花

善興寺雨夜向全侍講索酒

櫻桃零落成香晚食攤書臥竹牀行跡祇依黃葉寺蘇
州好爲一瓢將

向法司招遊辨岳歸讌今歸仁王叔宅

馬蹄曉破蒼厓青主人半道歡相迎停鞭席地少斟酌把
袖便挈穿林行王城佳氣萃辨岳國王望祀俸嵩衡因知
天外足妖怪不然神柄胡崢嶸我來登囑吁可怕孤巒面

面臨滄溟忽如身世失依倚赤腳獨踏金背鯨乾端坤倪

豁披露目領其妙心難名白髭王叔紅錦巾

王叔紅錦巾按詞紫錦巾

法司及紫金大夫紫綾巾三品以下黃綾巾

七品清酒絲

繩提玉瓶更邀轉轡向私第捫蘿撥翠開園亭園亭松栢

遮疏櫺榕門半啓竹牖扃異花雜樹紛莫辨但覺魂魄沾

芳馨晚來設宴張銀屏妙舞青縣樂未停羣公莫惜醉復

醒客踪宦跡俱流萍九州之外得國土亦有侯伯君公卿

練衰公子况相識

謂玉城公子翁允溫具九真公子翁盛卿幸地公子馬克禮美里公子毛文麟

笑靨如花勸醪醕將母夢遊入玉清欵洽髮髯如平生海

山奇秀景慌惚料應此世難再經恨無羽翼凌蓬瀛搔首

五見蟾蜍盈賓酬主獻極酣暢中原回首難爲情

夢樓詩集

卷二

五

虎巖行爲今歸仁王子作

王叔尙廷烈封於今歸仁號今歸仁王子

虎巖青海水碧深礪晨行虎有跡榕門戍削引孤岑怪石

蒼松作人立層巔直下俯洪波龍臥蛟蟠物色多佛家眞

現琉璃界仙子休誇清淺河王子於斯做華屋森爽朝朝

看不足况有幽花亞曲廊檀欒脩竹映虛堂綠煙欲滅垂

鬪鏤樹名

紅日初生開佛桑我聞屋書襲爵年冲幼

球人呼其國王

爲屋書加那志

王子保衡勛績茂鹽梅故吏三法司春柳門生千

若秀負屐不受外嫌猜顓俊兼羅眾薪樵親爲叔父貴相

臣剖符大邑今歸仁廟算周詳得閒暇錦袍烏帽於此融

心神海檣野客人所笑履穿衣結恣遊眺獨把珊瑚之鈞

竿萬里滄洲一長嘯多君頻召攀雲巒正如爬疥詬夙歡
牽衣固請畱筆跡王叔求余大書虎巖字摩巖刻之爲君飛灑臨高寒高
寒卻望潮生處三十六島星辰布姑米馬齒當我前微茫
略辨來時路夜深更醉白玉觴不覺鄉心屢西顧

迢迢

迢迢碧海送歸程唱到陽關第四聲好是夜涼人薄醉月
明如晝撥銀箏

王孫曲贈向文彥國王之同姓也

王孫亭亭似瓊樹瑜珥瑤環佩寶璐華胄天孫千百年山
王始祖天孫氏猗蘭奕葉含清露賢王開宴延嘉賓宗臣子弟舞
羅巾綺紈隊裏行雲遏絃索聲中白雪春王孫少小諳音

夢樓詩集

卷二

去

律一曲梁塵有誰匹絳口應羞北地脂紅顏正似東方日
首里地名長虹橋名迤邐通金鞍珠勒玉花驄到處看人如堵
壁誰家嬌女笑書空殷勤就我求奇字螺箋香醪銀燭膩
隣才情性是天生不惜歌喉勸沈醉王孫翰墨有深緣國
書懸腕揮雲烟琉球國書如中國草篆而其文多不可識王孫頗善之蛟龍滿紙我
不識但覺體類芝與顛匆匆無柰歸期近未得微辭酬雅
韻瑤天一碧駕飛艘瀛海三山但朝暈從此相思更九州
世中世外兩悠悠邯鄲一夜遊仙夢往事都隨逝水流

夢樓詩集卷三

丹徒王文治禹卿

揚州集

余在京師曾受業於武進劉映榆先生茲先生掌教

揚州負笈就之時大江南北諸名士畢集相與唱和

命曰揚州集古今體詩四十九首

冬夜邗江客舍小集同陳楚筠嚴東有徐蒸遠家

少林

漁竿滄海久無家紅燭深杯惜歲華結客平生看古劍忍

寒通夜待梅花邗溝鐘定潮聲遠旅館霜多鴈影斜今夕

雲龍歡把袂渾忘我輩各天涯

送陳楚筠歸白下

夢樓詩集

卷三

一

把酒青衫驗淚痕名場廿載閱涼溫相逢意氣仍湖海從

此文章說弟昆過鴈風前行易斷來禽袖裏字常存詰朝

送別兼懷古落日空江望白門

同族弟少林夜話

天涯一見眼雙青纔信平原有鵲鴿終古友朋關性命頻

年書劍太飄零燈殘雪案吟初罷雨歇山齋酒未醒往昔

隨槎矜險絕共君長夜話滄溟

揚州逢琉球國謝恩使者馬宣哲鄭秉哲畱飲

全舟中述別語舊慨然有作二首

海天誰信此相逢情話邗溝半夜鐘萬里秘書歸日本經

年季子聘周宗月高更酌麻姑酒麻姑山爲琉球屬島嶼絕佳潮響還

疑辨岳松

辨岳為中山最高處多松柏

別後相思何處寄瀛波春靜臥

魚龍

流水年華重感歎隨槎曾向十洲居
暝花蠻女春鳴瑟秉燭仙童夜侍書
斲素零縑鴻爪在紅塵碧海馬音疎
漁竿仍作滄江客慙愧王門舊曳裾

雪夜小集同李晴州丈暨陳楚筠夏芝三徐蒸遠

家少林各賦長句并末韻同要泉張當東辭

賢哲聚會古所難歲暮况作天涯客
呼童點火熬松葉酒厄落手那忍釋
括州識面寬禮數容我行杯半膝席諸公
豪宕盡善諱玉屑霏霏口無擇藏鉤射覆
逞狡獪郢曲巴飲學斲磔時子為堉球歌
毋戰縱橫中疊雙觴政嚴明罰累百淋

夢樓詩集

卷三

二

瀛几案移燈燭狼籍盤盞盡殺核放眼如在萬古前
舉頭尙覺兩間窄是夜酒深不覺寒起視雪落正盈尺
虛窗有影搖琅玕廣庭無聲積珪璧醜枝枯樹如死蛟
六花點綴皆婉孌滿堂乘興灑豪翰春然響然奏刃騁百二城
雄函谷關八九氣吞雲夢澤顧我才弱同嬰兒那當項籍一
噴嗜酒力困人骨似綿哦詩不成空岸幘城頭鼓角報西更
醉倒匡牀天已白

揚州送熊兆堂吉士之毘陵

紫微天上蕊珠人萬里江湖望帝宸
故倚布衣論縞紵

應憐席帽各風塵鄉園歸夢枕椰雨
兆堂粵西人賓館離觴坊

藥春日暮鶴鶴飛又散淥波南浦易傷神

焦山八首

偶趁樵風便輕舸泛碧虛春聲江漲裏山色暮晴餘鴻漸
波間石蝸盤竹下廬故林三載別攬勝重欷歔

古寺空王宅荒江處土星透迤窳洞壑浩蕩看滄溟日落
雙峰紫潮生萬樹青興幽忘主客吟上不波亭

警蹕曾過處離宮鎖翠微鶴春巢寶樹龍夜守巖扉水國
年頻澇流黎晨苦饑 聖朝勤撫恤遊豫爲民稀

時因江
南未熟

詔停
南巡

久作長安客交親阻暮烟相逢讀書侶話舊夕陽前

友人
有請

書山
中者三詔空陳迹孤蓬且歲年名山難可到連臂踏層巔
雖僧導幽徑曲折展遊觀斷岸蛟鼉沒陰崖栝柏寒鉤衣

夢樓詩集

卷三

三

披蔓棘眺遠傷危闌翹首諸天近臨風問羽翰

肅肅深林晚團團海月生酒邊落颿影牀下走濤聲橫笛
潛蚪舞高歌宿鳥驚水晶宮萬里如掌穀紋平

貧坐渾忘寐團蒲欹隱囊燈微摩詰室香燼贊公房鐘鼓
傳空翠魚龍臥滌決道人春睡美紅日又東方

未忍出山去蒼茫立水涯殘碑捫蘚跡廢苑訪梅花漁曬
臨流網僮敲隔竹茶何當婚嫁畢長此臥烟霞

同李琴夫殷石琴遊鶴林寺

著屐選勝遊捫蘿得良會齊雪輝郊垌佳樹紛映帶入林

眼始寬踏蹊路方隘崎嶇領幽邃豁達覩明快清流寒逕

裏紺宇人烟外久辭山水鄉茲日憩裝蒼况如平生交魂

夢相晤對出門夙感深還家此遊最累觴忘沈酣歎坐聽
松籟

雪夜同殷石琴黃月波心潭上人集蕭爽閣

大江潮退暮樓空雪夜開樽蠟炬紅落月蒜山聞遠棹斷
雲瓜渚到征鴻湯休裙屐煙霞外庾信登臨感慨中痛飲
漫辭更漏轉交親三載各萍蓬

何左裴采菊圖

僻遠柴桑地蕭然黃葉深暮山連返照霜菊共秋心靜對
英初落寒香澹上襟白衣如送酒何處可相等

題杭州張仲謀秋湖送別圖

西湖天下勝昔遊正春煦樓臺紛蔽虧林巒劇奔赴丹崖
夢樓詩集

卷三

四

著朱花碧流翔白羽乘橈控渚苕驂馬穿隄樹朝出熹陽
噉夜讌清月吐澗壑幻烟嵐松筠響韶蕩清景難久戀滄
海還馳騫石華采未能厄閭邁狂飈胸臆雖開張軀臄足
駭懼鮫室欣生還再經錢塘路鄉心急如箭未敢言且住
譬如良友朋不獲班荆語長揖各西東覲面仍不遇至今
神飛揚慨想勞寐寤張公江海客豪氣豁雲霧落筆倒河
源澎湃莫可禦海內名山川收拾奚囊富所悲故山好莖
轉翻如寓余亦困飢驅相逢借運暮襪被晨束裝河梁秋
喚渡挑鐙揚州市對話湖山趣袖中出舊圖酒邊索新句
安得訂歸期扁舟逐君去

午後北郭閒步逢田鴈門邀同殷石琴何左裴紅

橋泛舟歸畱小集遇雨分韻二首

湖風吹袂隨意作幽尋偶值泛舟侶遂和滄浪吟巖花
湖地閉湖水半天陰鐘梵坐來歌啾啾宿暮禽

萬里浮槎客三年出塞人

鴈門會參軍塞外

天涯傷往日杯底惜

餘春驟雨忽驚座好花應委塵來朝湖岸上唯有綠成茵

綺檻效義山體調友人

半低綺檻半窺櫳斜月幽輝正一弓苔印暗捫金屈戌花
鬚輕撼玉玲瓏海棠易綻偏經露楊柳難持况受風最是
莊生堪如煞至今魂夢在花叢

山帶閣納涼閣在北固山之半

峰腰小閣坐披襟閣外鳴蟬雜梵音日轉松杉交路暗雲

夢樓詩集

卷三

五

隨帆席過江陰追涼不覺青山暮道故寧辭玉盞深况是
司勳憑眺地此軒闌檻到如今

舟宿瓜渚同壯着仲

薄遊值春殘居然憶鄉里歸心偶得遂復此對知己孤艇
澹烟中鷓聲微月裏燈明夜漁出人語眠鷗起酒醒泊瓜
洲潺潺聽江水

初夏同程衡帆韓思穆鮑雅堂飲北固山下二首

落落山川勝茫茫人代遙沈戈與折戟今日未全銷草色
侵衣帶花香入酒瓢春光畱不住新綠已遮橋

峻嶺攀緣遍臨風引一尊清江歸大海紅日落平原顏謝
驚人句齊梁古帝魂凌雲亭外立下界又黃昏

帖數種見寄因謝以詩

如何縮蚓紆蛇體換取跳龍臥鳳姿小史將來鋪几看
桐陰一院日斜時

鮑禮鳧齋中坐月

曲巷人跡稀虛堂夜初靜密林漏素輝
薜階得清影淡雲河漢轉古榦龍蛇梗
舉目唯空明妙悟惜俄頃佳境難爲名
默坐心已領廣庭生微風朱夏袷衣冷
勝賞詎頻逢今宵與君並

雨中同李琴夫訪劉雲峰時盆荷初放桐花正繁
遲郭立齋不至二首

高齋連夜雨高人方獨吟相訪薜蘿逕
窅然花樹深紅敷

夢樓詩集

卷三

七

葉底萼綠生庭際陰清芬渾不覺坐久上衣襟

江上詩酒侶海隅離別心三年此良覲誰復辭
深斟盟鷗泛清渚獨鶴翔遙岑晚來檐溜歇
延佇瑤華音

集飲有香草堂次李琴夫韻

積雨浹旬日晝陰似長年苔階朝菌秀
薜壁蝸痕鐫茲辰有霽色細樹晚翳蟬
攜樽酌池上隱映新嬋娟綠看菱荷發
紅變山榴然歲月不我待孰能辭華顛
相期落秋實相戒矜春妍古人文字業
漫漶隨雲烟

病起登練光樓有懷邗上諸同學

滄江無百里便與交親隔平昔畏離羣
矧今當臥疾朱花垂敗戶青苔上空壁
晴旣困炎蒸雨復苦霑濕薰風動衣

袂強起理輕策登樓聊騁望身世如久客圓景向西傾浩
然江流夕心隨飛鳥遠愁與煙波積故人呢燕好良會應
同惜何時重合并促坐慰蕭寂

贈李琴夫

文人相輕自古昔異同豎白徒紛呶出奴入主有何意坐
令吾道成漓澆李生高才擅文藻瓊琚玉珮鏗相敲不知
者笑知者忌累牘莫解羣兒嘲吾鄉先輩倡文雅許仲張
承吉以後殊寥寥國初遺民臥草澤偶借吟咏爲逍遙種學
齋中繼壇坫鼉鳴蜩窟空噉嘈豈無新語炫流俗祖述不
本風與騷近向江城數手筆海門鮑氏同君超往昔朽株
變珍木一時俗耳聞雲璈我見低頭每下拜况敢口舌相

夢樓詩集

卷三

八

警警逝將與君化二鳥同鳴同息還同巢無那江湖各浪
跡君南我北如藏逃前年我具浮海航得君長句鎮巨濤
已沈海底不漫滅光怪真足降螭蛟祇今三歲置懷袖把
讀仍使意氣豪瓊瑤瓊玖未足報願言終始契漆膠

雨後過耨雲草堂

草堂新雨過盆沼芟荷香林際一蟬噪滿庭生夕涼江隨
殘照潤雲雜遠山長不盡依依處清尊是故鄉

送劉存子歸蘭陵兼柬令兄樸夫暨熊兆堂余汝

舟四首

每唱陽關便愴神此番懷抱倍難陳纏綿情話堪通夜倉
卒離觴未一巡芳草祇今羈杜牧殘暉何處弔春申美教

吾黨稱昆仲試檢衣衫並有塵

攀龍聲價負師門貧賤何年報故恩滄海未馴孤鶴性雪泥難忘斷鴻痕湖風且爲斯須立聽雨休將往昔論秋爽

北堂應健在板輿安穩奉潘園

時間太夫人有疾

休文多病最關心迢遞蘇臺盼好音

時樸夫養疾吳門

尙憶端憂

臥彭澤曾勞乘輿訪山陰池邊小酌嫌杯淺江上相望覺水深又是西風楊柳岸疎枝折盡怨難任

班揚舊作金閨客

謂兆堂

湛岳新聯玉筍行

謂汝舟

萬里江湖

身落托一時聚散意蒼茫停雲鎮日青梧老望月終宵白露涼從此相思更迢遞燕關鈴馱冒秋霜

羅新堂書室落成

夢樓詩集

卷三

九

秋草羅含宅繩牀愛擁書添茅防屋漏洗竹得窗虛余亦暮棲息空齋失掃除明當買歸棹荒徑自教鋤

青厓老人畫蘭曲

春蘭不獨如美人亦如高士棲空谷詎辭芳烈雜蓬麻自有林泉伴清淑青厓老人七十餘白板繩床半間屋或仙或佛任遊戲不娶不官無檢束時寫墨蘭寄孤興張之素壁豁雙目風邊折葉自妖嬈露下一花尤靜穆憶子結髮誦楚詞便思紉珮湘江綠前年杖策遊建溪蘭足幽巖逐餘馥畫蘭愛蘭各有癖叩余以故殊難告得交老人踰十年未敢叩門求半幅于叢萬本意乃快斷楮零縑願亦足昨晤老人親許余凌晨爲掃霜毫禿人間顏色誇桃李吾

道高寒擬松菊嗚呼此義向誰陳請爲老人竟此曲

東淘舟次同巖東有家少林夜話時少林將歸寶
應

日落暮山靜悄然秋月生清輝不覺遠但與涼波平預念
明晨別難爲此夜情頭顱已如許猶自絆浮名

秦郵守風先寄家少林

天涯昆季少人事別離多復此風潮逆其如歡會何暝煙
生遠樹孤月起寒波爲我畱家醞明晨冒雪過

漂母祠

風急征塵上鬢絲五年南北路逶遲泥塗未了酬恩志今
日重過漂母祠

夢樓詩集

卷三

十

夜過露筋祠

祠後枕湖波祠前對淮水水光浴皓月殿宇空明裏夜半
有櫂聲神雅忽驚起

雪後過崔家莊同劉映榆先生和壁間韻

岱雲東接海雲長雪後停車問野莊騷擾有心追曉日芙
蓉無地試秋霜劇憐江館違朋舊且喜天涯侍老蒼白戰
去年邗水上醉吟同學笑詩狂

漱六山房集

戊寅之冬余再入都門館於侍御蔣榕盦先生邸寓
侍御命其二子受學於余所居漱六山房古今體詩

十九首

劉樸夫南歸以詩代書寄揚州毘陵諸遊舊

年行已長歲月逾出門望望增百憂永言思我良朋儔欲
往從之路阻脩客星前年聚揚州臭味似漆膠中投朱花
照春白月秋時杖短策緣山邱更攜清醞挈扁舟啣啣眾
鳥鳴相酬分知人天一輕漚此樂他日難再求歡塲掩袂
每坐愁汎瀾涕泗不可收寒移暑序未一週果然踪跡萍
飄流就中傷心吾子由

族弟
嵩高

鮮民創鉅號松楸冬郎

嚴長
明

臥疾久莫瘳去帆望斷江之洲肥泉小閣竹木幽毘陵復
得少慰畱合并未及言綢繆賤子北征心悠悠長揖就塗
披敝裘崢嶸冰雪驅梁榘長安甲第王公侯無魚竊恥彈
劓緘閉門養拙同鶉鳩江南三月芳草稠故人念我應登
夢樓詩集

卷三

七

樓寓書問訊平安不幾時還續昔日遊及吾數人未白頭
戲爲俳體再送樸夫兼柬諸同學十首

十二層城碧玉闌九霄風露夜來寒明河一水尋常事已
作迢迢天上看

春初喜得挽花驄一晌流光過病中直到秋來仍別去賺
人離恨是西風

淪謫由來未一春無端婚嫁苦紛紛最憐小妹藏阿閣織
出鮫綃粲五雲

仙籍雙雙定有名底須結習善相輕好教邢尹同廉藺纔
是人間二妙并

蟲文織字寫鸞書只憶紅燈夜坐餘今日羊權尋舊約細

將仙胎當初

記得流船素月流垂楊偏映最高樓藏鈎私握仙人手也
抵花枝當酒籌

一行紅淚背窗紗碧玉盈盈是小家爲語春風休害怯封
姨不如斷腸花

漁歌髣髴有挈音回首桃源不可尋葉葉各隨流水去九
秋誰與護花心

雲雨堪疑隔楚天休憑鸚鵡妾傳宣藕絲不斷蓮心苦說
與傷人亦惘然

歸帆婀娜下殘陽重問當年姊妹行何日朱廊春月夜海
棠花底捉迷藏

夢樓詩集

卷三

七

送張煦生歸桐城因寄姬傳二首

鴻鴈南征勞旅人亦不息懷策未得陳

煦生以迴避未與京兆試

惆悵

返鄉國西風吹鈴馱林木共蕭槭門高名轉累才儻身仍
屈龍眠山色佳歸去及秋碧世事何足言情話悅親戚顧

余塵埃中忍使壯懷沒儻遇同心人辛苦爲余述

海外苦相思中原復離索揚州聚散地回首烟漠漠昨傳
尺書至歡喜狂欲躍再讀新詩篇沈思慘不樂秋颺鳴紙

窗白月下西閣歲時不我待襟抱焉所託棧豆繫奔駒樊
籠困飢鶴與君夙昔意恐便成飄落緬懷嚴子裘欲採龐

公藥

陳澂之招飲寓齋出其先少保

于庭處士

貞慧泉

侯朝宗吳次尾冒辟疆諸先民遺跡見示有感東
林舊事因賦長句

陳生逸才誰比倫東林鉤黨之子孫豪情直逼九霄上健
筆羣詫萬馬奔酒酣爲我展縑素古光照案如彝尊有明
之季天紀亂茹花委鬼煽禍根二三君子雖過涉正氣亦
足褫奸魂君家奇杰萃一門鳴鳳展翼秋鶴蹲尙書抗疏
聞讜論處士結社垂高文維時友朋盡膠漆風流翰墨干
瑤琨我今觀此長太息烏虜世亂賢才出仲宣詞賦感從
軍開府文章泣亾國當時天地風塵黑諸公奔竄無畱跡
義兒狎客擅刑賞公子秀才被羅織骯髒寧無噍殺音悲
歌頗灑淋漓筆那知身厄名更揚郤痛人亾邦亦滅卽今
夢樓詩集

卷三

三

卷軸對君開髣髴昆明認劫灰唐昭漢獻清流禍千古英
雄併可哀

送別戴東原

我生不識字亦復墮憂惱寒愁衣履穿飢畏糠覈少讀書
竈觚下爨塵落如攪食貧身每勞處隘見逾小戴君古經
師束髮恣幽討授禮出淹中講易超繫表尋源漢小學博
涉乃深造彤聲辨孳乳義理得啄抱古今所聚訟絲棼自
纏繳惟君眼如月不受微雲綠攻堅穎脫囊裁僞風振槁
昔年逢君地賓館婚叢篠嗟余不得志相棄浮海高長鯨
吹腥風生死難可保卻觀日出處火齊漲紅曉鹿化春葩
係疏球仲春之月鹿化魚龍臥秋雲悄掉頭顧中原芥舟輕渺渺歸

來閑一室默坐厭機巧稍窺天地奇彌愛經籍好獨學恐
無成賴君發奧突譬彼入暗人得燭目方瞭云何合并遲
偏教別離早征馬衝寒飈霜晨嘶白草長塗從此去積雪
鋪魯縞無時增慨傷我心懸旆裊聞君善推步句股剖分
杪三百六十度僂指已明了阨窳信人爲主者有蒼昊試
測少微星雲霧幾時皎

贈錢景輝

馬纓花殘槐樹綠昨日天街雨新足傾蓋逢君停玉鞭握
手一言知欵曲長安貴遊紛若雲似君玉貌超常倫連璧
休誇散騎省五絲莫繡平原君偶然咳唾隨風露便似珠
璣散瓊樹阿誰總角誇草書由來弱冠能文賦君家簪紱
夢樓詩集

卷三

十四

何頻仍甲第高臺南蘭陵鳳凰麒麟信有種犬子空負凌
雲稱鄙人滄海供多病專倚友朋爲性命南馳百越北燕
關天地孤蓬嗟伶俜前年煙月古揚州幫屐翩翩萃勝流
白舫青簾春授簡銀燈玉琰夜藏鉤同時意氣層雲吐雲
散風流各惆悵竭來旅館缺樵蘇只有劉生欵竈巷

謂樓夫

百年含意此重申寥落天涯幾弟昆看君騰踏三霄去他
日泥塗訪故人

徐傅舟將之山左贈行

皇朝兵部尚書兼忠

昔年海外相依持與君親愛比昆弟及返中原轉離索人
海喧卑各牽繫騎驢放食春復秋匆匆未展故人意那爭
萬里與咫尺曩者相從今不遂信知聚散非由人空堂默

坐增感喟昨君長揖告我行書篋琴囊絨束備皇
禮爲羅後命頻催馳驛騎勸君酒淺君少畱共君聊
日事揚帆自出五虎門水氣浮空失天地遭逢惡颶不能
傷天遣餘生縱游戲蠻王前席求雅音中山王曾延
傳舟彈琴若秀
當延獻清吹琉球貴公子皆善歌舞
其妓麗者謂之若秀蔡家法司老識書琴
論一篇逞宏議法司蔡溫爲
傳舟著琴論惟君及我皆好奇佳處追攀
閒處醉由來域外文獻存周諮亦頗資多識卽今光景仍
目前縹緲三山已隔世古稱泰岱小天下九點蒼烟堪俯
視昔觀於海今登嶽不負平生遠遊志卻思後會神黯然
努力春華莫顛頽

初夏同賈雲臣訪衛畏之歸宿雲臣所聯句

夢樓詩集

卷三

五

客踪逐流萍

王

春韶騁奔軼結交通神明

賈

慕古勤慨想

珠光合有期

王

龍文劇相賞厥時朱曦輝

賈

是夕新月晃

絳英餘殷紅

王

細蔓鋪蒼蒼將離炫顏色

賈

栗畱鬪音響

暖嫌絮衣重

王

涼愛層軒敞談鋒雜喧歷

賈

飲興標惆悵

青州濃到臍

王

紅炬高照額呼拳張吾軍

賈

射覆列羣黨

勝敗條廻環

王

趨避或欺罔再接再鼓以三

賈

一喝氣無兩

淋漓污衿衫

王

指拍勞臂掌歸塗夔逐虵

賈

偕行景謂罔

九門報嚴更

王

萬里昏虛象長鬚掃屏軒

賈

跣足踞塏爽

汲井旋敲茶

王

買燭急接絃狂歌鄰夢驚

賈

久坐龙吠朗

文石摹籀斯

王

丹砂燦盆盎僮龍斷快刀

賈

生地竄鼓莽

水絳靜惺惺

王

礬素深混混爛斑墨灑壁

賈

狼籍書堆棍

夢樓詩集卷四

丹徒王文治禹卿

丁香館上集

通籍後寓居宣武門外珠巢街庭有丁香花紫白各

二株遂名曰丁香館進御之篇敬列於上集曰中

曰下則同人唱和之作也上集古體詩十首

皇九乾隆

聖德詩

有序 臣稽首言 伏見

皇帝陛下續

漠承

烈累洽重熙平準噶爾無有伊犁全部

夢樓詩集

卷四

鴻功昭垂古無倫比而小醜霍集占波羅泥都背

恩助逆法不可宥

皇上睿謀獨斷復以全盛餘力追捕二酋自庫車抵拔

達山殲厥兇渠安集和罕延望風歛附歲未五更

車勒拓地二萬餘里

皇上迺懋昭典禮

願詔中外大功慶成無思不服 臣伏稽唐元和間平夏

平蜀博士韓愈作元和聖德詩備極褒美夫以威

中彈丸之地興師削平何足稱述而其臣猶欲形

諸詠歌傳示無極今我

皇上德洋威愴敷萬里外屬籍郡縣職官全賦咸稟

命國章星野土圭並入正朔照臨無外大澤旁流視唐
皇曰元和所紀不啻日月之光下掩螢燭書契以來未

有如

聖德之隆者也臣初自田間備員史館仰惟

廟算誠不能窺測萬分之一而

如綸如綉時得伏而讀之敬效韓愈體作乾隆

聖德詩一章凡百五十韻知無當于

明盛光揚謹自抒其葵藿傾向云爾其辭曰

皇受景命道握符契虞夏陶鑄乾坤經緯仁聲義規四

兩朝未殄厥類

兩朝未殄厥類

夢樓詩集

卷四

二

天授

聖功眾醜內潰六師堂堂往撫其界既集而安如雨斯

霽其人我人其地我地纘

烈祖緒謀烈攸旣乃霍集占兄狼弟狼囚于伊犁其兩手

械我平準夷脫之纍繫俾爲酋長舊職弗替詎伊

孤恩黨我畔逆作射人賊爲吠堯獍

皇乃震怒命討有罪僉謀庸庸斷以

聖智首攻庫車搃其要害仡仡崇墉匝以矛鋨我將弗

力賊迺潛出

皇曰咈哉是曷可懈再整我師不詳

命將兆惠采入阻深有進弗退大宛勃律耦國懷恚各

以戎兵對立而許我師過之泥首受吏望風質成
若古虞芮有駟者駒有文者幣作貢

皇朝誕受

寵賁桓桓我師晝逐夜馳騰越郭畢揮斥荒裔曰阿克
蘇曰沙雅爾烏什和闐蔑不率俾靈鞞神鉦直薄
賊壘二酋睢盱謀以逸待奮臂豎毛如蟾如蝟我
師鼓之六伐七伐一當其千火之烈烈泉沸于沙
粟初于穴堅壁嵬壞莫我敢拂維時兵馬適更番

至

聖謨所周匪卜匪筮副帥先驅參贊後繼銜枚宵攻與
賊還囓萬刃閃霍萬騎標警鐵大如掌雜以礮石

夢樓詩集

卷四

三

面騎背角從衝衝突風雨合離不可方位賊大顛
蹶以蜂螫蠶蹂踏喧虺退入其窟我師爰處蒐乘
簡銳長驅洋洋虎氣百倍賊知穀虜曷禁秦岱有
惟其逃罔定所適其舊伯克通曉理勢獻其二城
土女老稚四門洞開街衢連綴瓜果壺箪股闐歡
呀偏袒右肩合掌而跪僉言我族歸

大皇帝永永年代就瞻

天日又言逆曾我虐我瘵今始懸解威激涕淚將軍奉
詔溫語拊慰除兇衛良告爾無畏類顛踴躍導我前旆
迺扼其吭迺折其臂賊猶負隅設伏于隘巉巉兩
峰冀作扞蔽分遣餘孽鼠闖狙睨夜見晝潛幸我

無備將軍奉

詔更申嚴誡萬全而出有善無敗前矛中權蹙之至再
奇兵援兵鋪敦千隊渴虹奔騫飛電掣曳騰駕豐
隆鞭笞列缺進鼓退金麾之以旂大袒高驤滅此
朝食賊蓋竊窳或號以泗卒伍離披輜重捐棄輦
矢積載妻孥僕二三輩挺險遠颺以免死丐唯拔達山
地寥以萃

天威照臨入知面內矧伊賊酋復示狡獪自相勦襲以
天關速翦燼花門之豪其力肩屨捧我移檄助我張幟
一酋奔逸躡于亂騎骨肉雜糅罔辨醢載一酋授
首伏砧佞鋸鋸揮空風腥于血二酋旣誅回則

夢樓詩集

卷四

四

大喜安集和罕版圖並隸將軍執馘檢校無失露
布星飛來奏

天闕粵惟西土夙稱遠絕稽古方冊莫得翔實
皇定伊犁迺疆迺理龐鴻懿鑠而洽無際爬抄小醜夫
何芥蒂律之

天討實無可貴纖垢點瑕成予磨剔我武之揚于斯歲
事歲在單闕建子之月告功

郊

廟

臨駕龍玉軼馨香薦升天樂礪磻御雲御行續紛綵

慈寧福祉駢迭純嘏上祥靈曜開揭吉日頒

詔大澤汪濊格于

陵

寢遍于禋祀逮于臣庶行慶以次洪輝景炎旁魄四被天
地中外罔不霑漑

龍章麟麟宣昭文思括堯舜典以宏詞義復旦之華垂
示無艾惟

皇聖哲滌濯羣疑危危大漠鏡照數計無有征調士不
皇聖况瘁無有飛輓財不乏價竣此大勳以保以乂上
暢下沂邇遠胥屆於萬萬年垂衣而治惟

皇聖武信賞必罰懲忒恬娶俾習勤勤疇償而車帟朝

夢樓詩集

卷四

五

皇聖是肆疇康而績麟閣是績竣此大勳奮發蹈厲五
載未更震疊奏凱於萬萬年明威無貳惟

皇聖仁恩秀施霏降人千部班其官秩爾有泉刀我范
我式我有田畝爾耕爾稅竣此大勳于三萬里遠
人齊齊塞原每每於萬萬年以隆蕃衛惟

皇聖敬持盈保泰密勿單心惟日其邁匪矜遠圖前聞
是衣匪耀武功

天心是必竣此大勳俾昌而熾嘘吹祥風鑄冶元氣於萬
萬年澤涵毘跂小臣作詩敬效蠶測蕩蕩巍巍無

能名述

慈寧萬壽詩九章

有序

維二十有六年冬十一月恭逢

聖母皇太后七旬慈壽時久道化成海宇康乂

皇上獻壽

慈寧之宮榮其殿也今齊感著而風屬六合之內式賦

錫福光天之下中外悅豫神人樂胥靈貺咸臻謳歌並

作猗歎盛哉臣竊窺古經籍帝王光被善必歸親

太后慈仁德以致福是以明明在上之詩言武王

燮伐之功也而推本於太任太姒思齊之詩言文

王肅雝之德也而追原夫京室徽音說者以爲文

王天性當聖而德有所由成武王帝所降臨而美

崇其本始爰是揚詡之深形諸雅頌以爲世法我

夢樓詩集

卷四

六

皇上仁孝性成智勇天錫加以單心宥密日進无疆

御極以來綱舉目張邇安遠乂前者底定西陲載揚神

武當

國家全盛不過以餘力及之然而

睿算如神環至立應奏功踰年之內拓地數萬里之外

書契以來史冊所紀未有能及此者臣謹按孝經

援神契云天子之孝曰就謂德被天下成就萬物

尊榮其親也今者德洋而威愴六合之內九州之

外喁喁向風物靡不得其所經所謂帝王之孝茂

以加矣猶且

尊號而弗居止祥符而勿獻惟是奉

大安之興脩

時巡之典述

祖烈遵

慈訓為兢兢焉蓋惟

太后懿德有以裕

皇上之鴻猷惟我

皇欽明有以承

太后之令旨則

本朝致治之盛駕三代而媿唐虞者我

皇之德而卽

太后之福也臣草茅愚賤依

夢樓詩集

卷四

七

日月之輝光得厠史館譬如螻蟻之承雨露感戴高厚

莫能自名茲值敷天洽慶之日不揣卑陋敬撰古

詩九章拜首稽首以獻

喬雲謫

椒幃愛景延蘭殿養兼天下隆德及羣黎徧稽古母后儀

坤順贊乾健鳥奕流渚虹網縵繞樞電徽音仰

壽康令範邁經傳

懿訓

聖所欽

慈仁天實眷算從義策增福自箕疇行萬國洽歡心抃舞

向畿甸 一章

畿甸集蕃社重熙運方長我

朝撫區宇謨烈垂耿光卿雲旦復旦衣紹逮我

皇維

皇崇孝治無逸宏典常善述

烈祖志用承

慈顏康問

寢椒塗溫視

膳蕙庖涼錫類澤絲絲洽壽風洋洋繫彼含齒黎浩蕩嬰

春陽二章

春陽扶安輿天葩拂羽葆

巡方奉

夢樓詩集

卷四

八

慈寧言泄東南道靈巖山翠佳明聖湖光渺柔艣曳晴波

輕騎籍萋草雲霞宮觀出煙火閭閻曉緣陂秋入

麥臨水香生稻省耕展豫遊近光虔頌禱明年重

望

幸欣漑

渥恩早二章

渥恩被中外寧論邇與遙亘古阻聲教拔達山岩巖前

年西出師指顧平天驕大旗照白日邊雲爲之高

耕屯從茲盛弓矢從茲燾作樂譜楊柳告

廟陳含桃吉語送

慈闈燕喜當春韶巍乎不世勲允矣雲漢昭四章

雲漢本無心能爲

聖朝瑞日星行有度協氣因時萃春王履端辰介

壽重光歲團圞月璧合煥爛星珠綴陶唐迄炎漢茲瑞豈

恆致圖牒竝珎函銘勒宥金匱惟

皇謙弗居倍厯持盈義卽此搗冲懷時雍覘

帝治

五章

帝治浹方夏歸化及海隅炎風扇日角朔雪彌天區衝

波越剗匄梯山陟威紆西賚白玉環南琛火齊珠

渥注八天開輝蕪俱

御厨更采襟侏曲樂部調笙竽外域增舊傳王會撫

新圖匪云寶異物亦以充

夢樓詩集

卷四

九

慈娛

六章

慈娛非一端釐祝遍三界清涼佛國山花雨飄香靄七燈

輝春旗雙樹映芝蓋金根龍女侍玉座獅王拜由

來大法輪適與

昌期會矧茲萬眾心荷

恩比嵩岱康衢聽頌聲宛似潮音嘖還看首善區頂禮

集寮案

七章

寮案獻賡颺士女效謳歌熙熙日長至玉瑄廻春

和早梅破寒玉瑞麥鋪晴莎卿霄結爲幄醴泉溢

爲波度索桃堆盤雲牙酒滿螺琅敷奏天上彷彿

鳴鳳過鶴紀真無疆魚藻欣有那香山蒼宿枉

優許陪

鑾坡 八章

鑾坡洽歡聲

朶殿增晴色嘉符玉篆文

鴻號金書

冊暄分

蘭館春潤被

璿幃澤有

詔推

洪慈海宇綏寵錫爾臣康爾績爾民安爾宅人似遊華胥

天為開壽國慈龍瞻

夢樓詩集

卷四

北闕烏奕通南極 小臣 拜稽首祝

聖母萬億 九章

